

Guangjisi Minzcuz Bau

ganhhau: CN45-0036 B.2016 Nd.8 Ng.17 liggaueq bingjsaen nienz ndwencaet cibhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3237期

Ginhxiu Yw Yauzcuz Swnjcienz Hwngfat Cingzyauq Yienhda

金秀瑶医药传承发展成效明显

Gaenh geij bi neix daeuj, youq Ginhxiu Yenveij、Cwngfuj yawjnaek、haenqrengz sonyinx bangcoh lajde, aen yienh neix yw Yauzcuz saehnieb hwngfat seiqdauz ndei, cingzyauq yienhda.

It dwg aen yienh neix dwg daengx guk baez daihsei q ywdoj bujcaz dinghdiemj danhvei, doihbujcaz youz aen yienh neix Yw Yauzcuz Yenz-giusoj caeuq Guengjsae Cunghyihyo Dayoz gapbaenz haenx guhsat hong diucaz 2000 lai cungj yw Yauzcuz

caeuq hong soucomz gaemhnaenx 2400 lai faenh biubonj; ngeih dwg gaenq guhsat soucomz、cingjeix danyw、maedfueng yw Yauzcuz ndaw-biengz 5000 lai diuz, soucomz yw Yauzcuz biubonj 2000 lai faenh; sam dwg ciuq gij guhhong dajsuenq Swcigih Dangjveij、Cwngfuj vatcimh、cingjeix yw Bouxcuengh yw Yauzcuz haenx, guhsat hong vatcimh、cingjeix gij gingniemh yw bingh 50 lai boux canghyw Yauzcuz haenx; sei q dwg

cujciz biensij le ceksa w《Yw Yauzcuz Lincanzg Yenfanghciz》《Fwen Ciengx-ndang Gyaeananz Yw Yauzcuz》《Lincanzg Ciengzyungh Dozbuj Yw Yauzcuz》daengj; haj dwg aeu 104 cungj yw Yauzcuz ginghdenj Byayauz ggmiz caeuq 14 cungj yw Yauzcuz cungdenj lincanzg sawjyungh haenx liedhaeuj Guengjsae gienj daeuz 《Cizlieng Biucinj Yw Yauzcuz》mingz-loeg, caemhcaiq okbanj fathengz.

(Loz Cihungz/罗志宏)



Yanghsi 《Nungzgvangj Diendeih》Lanz-moeg Daeuj Ingj Gijgwn Ndei Lungzswng

央视《农广天地》栏目
聚焦龙胜特色美食文化

8 nyied 12 hauh, Cunghyiangh Densidaiz loeingicuj bae daengz Lungzswng Gak Cuz Swciyen Lungzic Cin Vangzlo Yauzcai ingj gij gingvaq guh ngaizmbokcuk. Ngoenz-haenx, Cunghyiangh Densidaiz 7 dauq 《Nungzgvangj Diendeih》lanzmoeg loeingicuj daengz aen yienh neix ingj 《Gij Feihdauh Gveilnz》baenzdauq ciendaezbenq, muzdiz dwg cienzmienh doigvangq gaisau gingjsaek ndei、gijgwn ndei daegsaek Gveilnz, coicaenh doxgaiq reihnaz daegsaek Gveilnz byajicoh hawciengz daengx guk. Ndaw doz dwg loeingicuj loeingij guh ngaizmbokcuk.

(Vangz Yungjdanh/黄勇丹)

Bingzgoj Yen Vunzlai Vwnzva Saedcej Lai Cungj Lai Yiengh

平果县群众文化生活丰富多彩

Gaenh geij bi neix daeuj, Bingzgoj Yen Swdangz Cin roengzrengz muenxcuk gyoengq vunzlai sausu minzcuz lajmbanj lai fuengmienh cingsaenz vwnzva yaek yungh haenx, laemxsim cauxlaeb aen hawsingz vwnzmingz daengx guk, haenqrengz hengzguh vwnzva leih minz gungh-cwngz, mboujduenh laebcaez caeuq gaijndei vwnzva fugsah sezsih, caux hwnj gij vangjloz vwnzva hozdung cwgoemq cin、mbanj, vih sausu minzcuz vut gungz baenzfouq gvaq hwnj saedcej vuenyungz demlai saek-rongh.

Gaijndei gunghgung vwnzva giek-daej sezsih hwnjguh. Aen cin neix gig yawjnaek giekdae sezsih hwnjguh, geij bi daeuj, itcig dawz gunghgung vwnzva giekdae sezsih hwnjguh liedhaeuj vih beksingq banh saedsaeh hanghmoeg,

doenggvaq “it saeh it yaeng” caeuq ndawbiengz gien ngaenz daengj fueng-sik, hwnjguh daizheiq、lanzgiuzcangz miz daeng rongh daengj cunh gaep vwnzva hozdung ciengzdieg.

Bangcoh cunh gaep doihyienjheiq. Aen cin neix gaenxmaenx bangcoh cunh gaep doihyienjheiq, vatcimh caeuq hwngfat vwnzva yisuz ndaw-biengz, cujiciz canghheiq ndawbiengz camgya gak cungj beizyin, roengzrengz swnjcienz vwnzva yisuz minzsuz ndawbiengz. Ciuq cam rox, daengx cin gungh miz 12 aen doihyienjheiq yezyiz 150 lai boux bouxyienj, gyoengq bouxyienj gaenxmaenx boiqhab fueng-cim cwngcwz caeuq guhhong cungdenj dangj caeuq cwngfuj gak seizduenh guh vwnzyi senhconz, ciengzseiz gag bien gag yienj siujbinj、vaiqbanj、gofoux、Heiqcuengh daengj gij cezmu z vunzlai

haengi yawj gyaenz dingq haenx, senhconz fuengcim cwngcwz dangj, coicaenh lajmbanj cingsaenz vwnz-mingz hwnjguh, fungfouq vunzlai vwnzva saedcej.

Gyavaiq ranzsaw lajmbanj hwnj-guh. Seizneix, daengx cin miz 12 aen mbanj hailaeb ranzsaw lajmbanj, moix aen ranzsaw miz 2000 lai bonj saw, neiyungz nangqdaengz minzcuz cwng-cwz、nungzyez gisuz、vwnzva gyauyuz、saedcej gohgi daengj, vih beksingq hag gohgi、yungh gohgi daezhawj bangcoh gig hung.

Vunzlai vwnzva hozdung lai cungj lai yiengh fungfouq le beksingq vwnzva saedcej aen cin neix, rengzrwd coicaenh lajmbanj vwnzva huzndei hwnjguh caeuq vunzlai vwnzva saehnieb cangqheiq hwngfat.

(Vuz Anhginh/吴安军)

SIUSIK DINJ

简讯

● 8 nyied 9 daengz 12 hauh, Ningzmingz Yen bi 2016 hong ciubing cungigenj cienzmienh haiguh. Aen yienh neix ciuq gij yenzcwz “gauhdu fucwz、cizlieng daih’it、seuq-cingh ciubing”, yiemzgek gij biucinj、cizlieng caeuq cwngzsi ciubing dijgenj, yiemzsouj seuqcingh ciubing “cib diuz gimqlingh”, haenqrengz vih bingdoih soengq lwgbing ndei gaem ndei aen’gvan daih’it.

(Couh Yizganh Yenz Swyinh)

● Cenzcouh Yen guhhong cingcinj bangrex seiz, cungfaen fatok gijndei daegsaek dang-dieg, gujli vunzlai haenqrengz hwngfat youq gyang nazhaeux ciengx bya, bangcoh boux-guhnaz laisou baenzfouq. Bi-neix, vunzlai dangdieg leih-yungh miuzcaeux、miuzlaeng song geiq ciengx bya 30 lai fanh moux, gujsuenq cungj-canjlieng daengz 1.5 fanh dun, saedyienh haeuxgwn ngaenz-cienz sueng fungfouq.

(Vangz Swhcang Dangz Gvangjdungh)

● Gaenh geij bi neix daeuj, Lozcwngz Mulaujcuz Swciyen dawz guh ndei faenz-cieng “raemx” cuengq youq diegvih youqgaenj gunghyez hwngfat, gyagiengz baujhoh goekmboq, cingjhab daezswng gij raemxgwn ndei, guh hung guh ak faenzcieng “raemx”, roengzrengz guhbaenz gveihmoz hung、binjcaet sang、yauqik sang、ndaej lienzdaemh dienyienz raemxgwn raemxmboq bya canjnieb dijhi, dajcaux Cungguk gauhdonh dienyienz raemxmboq bya swngchcanj gihdi.

(Veiz Yuzdai Mungz Cwnghsw)

● Bineix, Cunghsanh Yen gyahung doiq hagseng ranz-gungzhoj lajmbanj bang ngaenz ligdoh, bangcoh ranz aenvih miz vunz hwnjhag ndawranz bienq gungzhoj haenx caenhvaiq saedyienh vut gungz. Daengz seizneix, aen yienh neix bangcoh 769 boux hagseng gungzhoj banh banghag dai-gvanj, soqcienz daengz 494 fanh maenz.

(Yangz Siujfeih Fung Vazlungz)